

# Casa Musèu Prat dera Riba

Visitar





## Sintèsi istorica

Era Casa Musèu Prat dera Riba se place en numèro 7 dera plaça dedicada ath politic Enric Prat dera Riba dera poblacion valhesana de Castelherçòl.

Enric Prat dera Riba neishec eth 1870, corsèc es estudis de Dret e formèc part deth Centre Escolar Catalanista, era Liga de Catalonha, era Union Catalanista, eth Centre Nacionau Catalan e finaument era Liga Regionalista, en quau exercic cargues directius e des d'a on inicièc ua intensa activitat politica. Participèc ena redaccion des Bases de Manresa (1892) e siguec un des fundadors dera *Veu de Catalunya* (1899), deth quau siguec director enquia 1902. Venguec un des ideològs deth catalanisme conservador e catolic, pensament deth quau metec es bases ara sua òbra fundamentau e de grana difusion *Era nacionalitat catalana* (1906). I exprimís era voluntat collectiva d'arténher era reconeishença nacionau de Catalonha basat ena lengua, eth passat istoric e era tradicion.

Eth 1907 siguec escuelhut president dera Deputacion Provincial de Barcelona, des d'a on impulsèc eth projècte dera Mancomunitat de Catalonha (1914), deth quau siguec escuelhut tanben president. Pera importància dera sua òbra coma estructurador dera vida collectiva catalana e organizador dera sua cultura, siguec considerat, en paraules d'Eugeni d'Ors, eth "seny ordenador de Catalunya".

Moric ena casa de Castelherçòl er 1 d'agost de 1917. Es dus hilhs deth politic, Montserrat e Enric Prat dera Riba e Dachs, er an 1982, heren donacion dera casa familhau de Castelherçòl, a on auie neishut e mòrt eth sòn pair, ara Generalitat de Catalonha. Ath cap d'un an se creau eth Patronat que s'auie de hèr cargue dera gestion e conservacion der immòble, dera difusion dera òbra deth politic e dera promocion dera lengua e era cultura catalana. Eth dia 1 d'agost de 1984 siguec inaugurada era Casa Musèu, dempús de bères òbres de reforma e adequacion entara naua foncion qu'auie d'acomplir.

Enric Prat dera Riba passèc en aquest immòble era sua mainadesa e part dera adolescència. Quan contractèc matrimòni damb Josèpa Dachs e Carné, s'installèc definitivament en Barcelona, en numèro 121 dera Rambla de Catalonha. Era familia aucupaue era casa de Castelherçòl es vacances de Nadau e enes estius. Era casa s'estructure a partir d'ua planta baisha, un estatge principau e un estatge naut, dejós deth tet. Era façada emblanquinada enquadre es dubertures des divers nivèus, e ne destaque eth balcon principau sus era pòrta d'entrada, per uns esgrafiats de color rajòla. Dues plaques hèn referéncia ara data de reforma der immòble e ath nòm deth sòn propietari en aqueth moment.

Mejançant espacis fidèument conservadi e d'auti damb naua ambientacion, se penètre ena biografia personau e politica de Prat dera Riba. Ath delà, era visita mos permet observar coma ère ua casa rurau benestant d'inicis deth sègle XX.

Dades es dimensions dera casa, d'un costat, e era amplada dera òbra de pensament e de govèrn hèta per Prat dera Riba, der aute, ère imprescindible hèr ua seleccion de tèmes. Eth recorrut se base en tres encastres: es orignes, era ascendència pagesa e era familia; eth pensador e comunicador, e finaument, era òbra de govèrn.



1



## Entrada e corredor

Entram ena planta baisha dera casa en tot trauessar era pòrta principau, e i trobam ua entrada e un ample corredor decorat enquia mieja nautada per uns emparaders de rajòla de principis deth sègle XX.

Plànol

2



## Recepcion

Ara dreta dera entrada, ua naua cramba se daurís ar exterior, era que s'en servien de burèu. Ara ei recepcion e botiga.

Plànol



3



## Codina e minjador

Ara quèrra deth vestibul trobam dus espacis importants dera casa: er un, emplegat probablaments coma minjador, damb ua hièstra que da tara plaça; er aute, era codina, que consèrve un vielh larèr e ua codina economica tipica des cases que formauen eth nuclèu urban de fòrça viles e pòbles.

[Plànol](#)

4



Ath hons deth corredor se daurís un espaci fòrça ample neishut dera reforma dera casa hèta per arquitecte Jordi Sarri e que s'emplegue coma sala d'actes e exposicions. En tot presidir era sala vedem un retrat en òli de qui siguec president dera Mancomunitat, òbra deth pintor locau Josèp Galhès e Malats.

[Plànol](#)



5



## Jardin

Darrèr dera casa se daurís eth jardin o pati, a on trobam un surgent de pèira en centre. I destaque un quadre de ceramica dedicat ara Mair de Diu de Montserrat. En ua des parets deth jardin i a ua replica deth bust d'Enric Prat dera Riba que se tròbe en Palai dera Generalitat, esculpit per Joan Borrellh Nicolau e plaçat eth 1986. Ath sòn costat i a un laurèr centenari.

Plànol



6



Ena planta nòbla dera casa, i trobam installat eth burèu qu'eth politic auie en Barcelona.

[Plànol](#)






7



## Dromitòri

Ath costat deth burèu trobam eth dromitòri, a on eth politic neishec e moric. Ne destaquen es mòbles d'estil ueitcentista nomentadi "dera ditada" e eth telefòn de principis deth sègle XX.

Plànol



8



Dant tara plaça i a ua cramba emplegada coma sala tà recéber, a on eth visitant pòt veir un audiovisuau sus era vida d'Enric Prat dera Riba.

[Plànol](#)




9




Aguesta sala ei dedicada a Enric Prat dera Riba e es sòns colaboradors. Conten ua galeria de retrats, quauqu'uns hèti peth pintor Ramon Casas.

[Plànol](#)



Planta nòbla



Planta baisha